

03 NOV 1997

G15-perasmian

DR MAHATHIR RASMI SIDANG KEMUNCAK KETUJUJUH G15

KUALA LUMPUR, 3 Nov (Bernama) -- Perdana Menteri Datuk Seri Dr Mahathir Mohamad merasmikan sidang kemuncak ketujuh Kumpulan 15 negara membangun (G15) di sini pagi ini.

Ia dihadiri sembilan pemimpin negara-negara anggota.

Selain Dr Mahathir, sidang kemuncak kali ini disertai oleh Presiden Suharto dari Indonesia, Presiden Robert Mugabe dari Zimbabwe, Presiden Hosni Mubarak dari Mesir, Presiden Alberto Fujimori of Peru, Presiden Liamine Zeroual dari Algeria, Naib Presiden Dr Carlos Ruckauf dari Argentina, Naib Presiden Krishan Kant dari India dan Timbalan Perdana Menteri Jamaica Dr Seymour Mullings.

Mugabe akan berucap mewakili benua Afrika, Fujimori mewakili Amerika Latin dan Kant sebagai wakil Asia.

G15 terdiri daripada Algeria, Argentina, Brazil, Chile, India, Indonesia, Jamaica, Malaysia, Mesir, Mexico, Nigeria, Peru, Senegal, Venezuela dan Zimbabwe. Kenya akan diterima sebagai anggota terbaru pada sidang kemuncak di sini.

Brazil diwakili oleh Menteri Luarnya Luiz Felipe Lampreia, Chile oleh Menteri Ekonomi Alvaro Garcia, Kenya oleh Menteri bagi Kerjasama Serantau Nicholas K. Biwott, Mexico oleh Menteri Luar Angel Gurria, Nigeria oleh Menteri Perancangan Negara Chief Ayo Ogunlade, Senegal oleh Menteri Luar Moustapha Niass dan Venezuela oleh Menteri Industri dan Perdagangan Dr Freddy Rojas Parra.

Pemimpin-pemimpin itu akan menilai kesan globalisasi terhadap negara masing-masing dan membincangkan langkah untuk meningkatkan kerjasama perdagangan, pelaburan dan teknologi.

Selain pernyataan bersama, mereka juga akan mengeluarkan kenyataan khas berhubung manipulasi mata wang.

Malaysia menganjurkan sidang kemuncak pertama G15 pada 1990. -- BERNAMA
TCL MAI